

沅  
湘  
耆  
舊  
集

沅湘耆舊集卷第一百三十八

新化鄧顯鶴湘臯編輯

湘陰左宗植仲基校訂

陶文毅澍

近體詩一百四十首

樊城解纜

放眼平隄水襄陽最上頭關河綿客路天地入扁舟樹雜江煙邈雲移郭影浮曾觀耆舊傳懷古亦風流

漢河道中

風日今朝好郊原豁大荒星流東漢水雲去古陳倉戰壘存諸葛靈祠肅女郎

自注山有張魯女廟

稻花開滿路風景亦吾鄉

兩角孤雲直巴山不斷青人煙深淺塢秋色短長亭

密遙通棧溪迴曲寫屏漢源今已到誰測使臣星

五丁峽

到此真奇絕山奇石更奇徑懸猿狖恐險鑿鬼神疑水作  
千盤去天將一綫窺金牛如不入萬古祇荒陲

寧羌道中

雲氣隱山腰泉聲答晚樵樹深雷雨匿路逼虎狼驕黯黯  
金牛道栽栽鐵鎖橋將軍擒賊處自注提督楊遇春恭統  
格布舍骨擒剿賊高三

馬五於此谿谷動寒飈

籌筆驛

上將揮神筆當年此出師如聞拜表日不忘託孤時愁外  
山仍在鏘前鬢有絲空留簡書迹猿鳥到今疑

廣元縣

要路橫巴蜀，蠶叢闢一村。遠山青入縣，秋水綠當門。地稔

蠻賈賤，龕埋古佛昏。

自注有千佛巖

唐家比邱跡，繫檣未須論。

武后生於此，遭像在皇澤寺，作比邱尼。

鹿頭關弔龐靖侯

磊落半英雄，西行第一功。鹿頭如不死，驥足與誰同。流涕  
悲先帝，知人有德公。如何東敗日，獨憶法扶風。

泊中和場

月出定爐煙，推窗夜不眠。九州華陽道，萬里蜀江船。樹影  
橫孤雁，秋聲送暮蟬。浮屠三宿戀，臨別亦凄然。

舟過彭山

魚鳧津上望湖落見沙痕彭祖何年去仙鄕此處存江吞  
雙口健秋放一山尊我欲呼漁父從之鼓柁論

泊江津

微雨怕然過數蟬吟夕陽懸崖將斷處疏樹忽成行山入  
雲一色水歸秋半塘江津今夕泊篷背已新霜

長壽縣

水曲流巴字山長幻壽文自注縣山作壽字形故名峯巒曾不斷點畫

若爲分殺魄嗟猿化自注丁巳冬教匪王三槐破縣城典史章鞠罵賊剖腹死獄囚萬某破裏

逃歸言狀荷災黎尙烏耘懸崖砌碧滿自注江邊多了

優郵尚亦釋罪築指點認斜曛寨皆避賊時所

巫峽

奇氣由天縱峯巒不可尋浦連魚復點山擎巖露深萬古  
崖邊月三秋海上心清粉流水意好入伯牙琴

歸州宋玉故宅

傳聞宋玉宅門對老歸州剔薜非遺穴

自注宋玉墓在禮州安福縣訛爲宋

王城唐李羣玉詩有雨蝕玉文旁沒點至今錯認宋玉城之句近爲居民掘沒予曾言諸當事復之誅茅贖

酒樓

自注故址今爲酒舍

青山庾信淚白髮杜陵秋異代偏多感遼

遊動客愁

空舫峽

歸裝無陸賈問路有空舫流水如相識荒江此乍經峽深  
藏日月灘急走雷霆醜酒黃牛近來朝至喜亭

自注至喜亭在宜昌

歐陽公記言蜀舟至此而喜也

宿黃牛峽

及至黃牛峽江寒鎖沈寥深巖遲見月孤枕暗生潮  
澗響傳秋意漁歌動晚橈天台歸擢速雲臥極今宵

虎牙關

何年資岸石

自注余居資江石門潭恍惚此景

飛作此江扁一扇忽開峽

羣山皆斷青灘聲奔虎口驛路指猿亭向晚宜都縣漁鏡  
浸列星

泊枝江

名洲九十九大好釣魚磯江似分枝去潮隨落葉歸人家  
臨水合燈火隔林微欲訪蠻荆舊煙荒白鳥飛

自注熊罴初封於此

荊州嘉晤子晉夜話成詩

正苦思家切南瞻淚暗流那知今夜月相對渚宮秋跋涉  
憐子病徘徊得爾畱翦鐙終夕話不覺漏聲稠

黃葉江邊路青山夢裏詩數家成聚落老圃念樓遲比舍  
多新况松楸似舊時獨悲小孀妹別日是長辭

白髮懷諸父靈光一老存七旬猶健飯雙手拄家門骨肉  
恩情重先人孝友敦視余千里外何忍聽斯言

自注世父  
欲同子晉

來視家人以  
其老止之

風味依芸葉吾家幾秀才青雲輕遠路白雪唱高臺豈意  
荆山下仍多卜氏哀因知求木日蜀道有遺材

爾亦秋風客初經古戰場偏鋒思突險小挫未成傷滄海  
鯨波濶雲天雁路長丁甯如夢寐明日是他鄉



晚宿豐樂鎮

小驛臨漳口孤村向暮投野寒鴉撲樹天遠雁橫秋前獲  
初過雨輕冰未斷流來朝燕趙地慷慨古磁州

十六日泊丹徒

鐵甕城仍峙金焦眼忽開夕陽京口樹舊雨十年杯自注乙亥冬丙子春以巡撫慶次經此慷慨論時務艱難仗衆才朝宗原有路非是羨逢萊

奉和 宮傳襄平師相喜聞官軍生擒張格爾西域

底定元韻

打坂自注諱言山也連盤上花牛雪外城自注西域凡戈壁有花牛見則風雪旋轉滿天  
弓刀摧電影鼓角動風聲異域神猶懾自注揚威將軍奏關之助順奉

旨加封神號 同仇氣自生游氛戈壁掃草木亦

天兵

詎遣刑天舞真囚貳負來

金碑凌壘屨

自注御製詩鑄碑客爾繳益

山鐵券策昱魁

自注長揆帥封威勇公楊提督封果勇侯餘各陞賞有差

曉日歸鞍務

雄風勁旅催從茲西極外突兀見堯臺

渥眷懷前席

自注上諭辦軍務節相在樞直出力特加太子太傅

嘉猷重豫防城

雖區象狄牧必慎牛羊慈樹天無外河源路正長關門須

鎖鑰遠意託雲章

題澄懷園圖八首爲賀藕耕方伯作

有序

澄懷爲翰林直園在 圓明園東南角 世宗憲皇帝

以賜桐城張文和公公嘗蒙 聖祖賜書澄懷二大字

遂揭以名其園有詩載本集頌太宗伯蕭山湯公道和  
其紀事八首同時 上書房 南齋諸翰林屬和甚盛  
方伯見之屬田季高太史繪圖錄詩其上索余同賦昔  
歐陽公歸田錄言追想玉堂如在天上方伯正當馳驅  
之際而有迴翔之慕殆非余所知也仍次文和公原韻  
以答其意且致勗焉

四海封疆望當年侍從臣爲圖寄意遠開卷有詩新福地  
神仙館壺天雨露春從來被 恩澤豈止畫中人

名本澄懷舊園開湛玉溪風漪迎上下煙島綴高低額仰  
天人筆沙明宰相隄最宜朝拄笏氣爽 帝城西

臨涼原有館消暑此稱灣水遠疑無地窗明好看山草鋪

魚子緬樹老鹿頭斑暢好林亭趣蓬瀛本自閒

御園清切在卿鸞鬱相望咫尺依林壑諸天卽廟廊秋山

九臣咏

自注初

賜此園時近

春草入公香

自注乾隆

相國諸公有

滯懷入友園

二百年來盛風流記玉堂

往事匆匆憶浮雲過太空鳴珂曾問夜宿院共聽風

自注

朝房在園右

露轉池痕白燈搖砌影紅

自注每日寅刻奏

輪直多病此

置階沿則各衙

門遞進奏摺

十年紫舊夢蹤跡馬蹏中

雲水知何定青山入望無意偕人蘊藉病笑我枝梧畫好

添屏幃談深扣唾孟蓬萊原不遠刺海柰區區

疊前韻題小寒碧齋第二圖

移將天上額更勝故山廬不著尙書履來營大隱居煙波

邇自卜塵海夢全虛比似聽衙鼓能無羨送初

五湖今有長三徑望非遙古木深藏屋清漪曲抱橋世情  
沙鳥澹鄉味水蓴饒尙憶趨金闕書思佐 旰宵

松筠庵拜楊忠愍公遺像

一官傳舍寄城陰弔古行人淚不禁此事先生真有膽當  
時閣老是何心壯懷枉請朱雲劍浩氣如聞信國吟想得  
靈旗來往夜西風黃葉滿階深

南陽望臥龍岡有懷諸葛武侯

雲霄萬古溯威靈名士瑯琊足典型龍臥已知真相國  
龍叢猶勝小朝廷三分鼎足悲流水五丈原頭泣大星寥落  
南陽秋雨後一岡天外放空青

益陽道中

相風搖曳水舒舒十里停橈一舸徐  
鄉國漸遙生客影  
山猶在隔吾廬  
幾家綠樹芳村裏  
半浦黃花返照餘  
指點忘機是鷗鳥  
煙波穩占欲輸渠

舟近湘江

東風一葉趁晴舒  
曉日清湘畫不如  
山色忽開帆轉處  
溪聲交送雨飛餘  
嵐浮遠市煙初合  
柳放新衙霧乍梳  
三十六灣都在眼  
竹籬閒卻釣人居

重登岳陽樓

獨步城頭俯若梯  
危樓高峙岳雲齊  
秋生水國魚龍穩  
天入湖心日月低  
遠色坐收空際帆  
舊痕猶溼壁閒題  
江山

又到銜杯處惆悵梅花小閣西

自注往歲同靜山師飲此

### 過凍水橋懷司馬文正公

政府重登髮已宣  
穉郎遺毒一朝湔  
如聞父老呼生佛  
久有兒童識樂天  
二等書雖誤承祚  
九分人未遜伊川

自注程子

### 馬上望華山

潼關西上鬱嵯峨  
立馬三峯迴若何  
羣岫冕旒尊白帝  
諸天風雨挾黃河  
花開玉女盆中見  
草長仙人洞口多  
擬駕茅龍山頂去  
青天搔首一高歌

### 灞橋

灞橋兩岸多楊柳  
直到秋來未肯殘  
幾許離情添漠漠  
半

河新水共漫漫日邊已覺長安近雲際猶愁蜀道難  
差喜能看黃白闕自注山名銷魂不用倚欄杆

茂陵

阿環青鳥去匆匆回首邱山帶劍同  
鑿地一池沈漢影通天雙掌插雲中  
當階大隱歌方歇傾國佳人瑟未終  
惆悵茂陵秋草合石麟高臥幾西風

鳳翔東湖蘇文忠公祠石刻九日一首有憶弟淚如  
雲不散望鄉心與雁南飛之句讀之悵然有懷舍弟  
子晉輒次原韻書祠壁

東湖亭子好煙樹遙接陳倉古翠微  
秋意忽從林外至浮雲疑向故鄉飛  
山川入望人俱遠風雨連牀夢久違  
何日



下田如石佛不應猿鶴弄嘲談

由鳳翔至寶雞

路轉岐山更向西川流汗渭合磻溪地形遙據三原上岳  
色平看二華低廣樂曾聞天賜犬霸圖猶說石鳴雞車轡  
一代秦風歇斜日空林怪鳥啼

登鳳嶺

高高直上五雲鄉蟻曲螺旋廿里強俯瞰孤城如出窺仰  
捫峭壁類循牆時平要路無豺虎山割窮崖有鳳皇自注  
有石中空曰鳳皇窩卻憶岐陽蒐獵日那無雄雉起陳倉

紫柏山張良廟

一擊空驚誤削車道旁人已斷長蛇功成忽憶亦松子石

隱來養黃柏花竟有前籌匡漢業那無片土屬韓家王孫  
亦是先朝裔悔殺當時躡足差

雷壩寄懷嚴樂園太守

如盤

嶺指柴關勒馬過興元南望渺如何山形早控三巴險奇  
氣近分二西多花雨朝浮崖上翠墨雲秋寫石邊螺使君  
按部能來否絕壁題詩不用磨

沔縣諸葛武侯祠

參天一徑繞蒼松丞相祠堂此踰逢司馬當年惟畏虎先  
生少日已猶龍音含徵角琴邊石

自注祠有諸葛石琴

影蓋旌旗戶

外峯恍惚風流存羽扇宗臣氣度自春容

奔走頻年知力殫忍教王業付偏安烝嘗屢下衢民淚風

雨猶寒上將壇心寄古時聊管樂恩流法外豈申韓千秋  
公論存詩史隻眼能將伊呂看

卻聘當時識不羣紛紛狐媚漫三分能從亂世收名士畢  
竟英雄只使君魚水天開炎統日龍蛇秋護陣圖雲漢官  
尙有威儀在可許南陽獨策勳

河水湯湯石浪巖依然流憾似夔巫妖言眞見蒼天死造  
命空傳白帝孤但識攻心操勝算漫教讐國託嘉謨乃公  
基業譙周盡怪得當初罵腐儒

沔縣道中聞嚴樂園太守至

柴萸在上竹籬居記得兒時迓客車夜雨共尋園內韭春

風曾讀別來書五丁峽偏新探險

自住時自寧  
羌劫災過此

二西山深

舊結廬自注太守猶有同舟佳詠在剪燈重乞付鈔自注  
先生有舟中贈先君詩久失其稿前有書囑其鈔寄

### 姜伯約祠

北伐連年戰鬪勞紛紛被勅倒旌旄猶聞死後將軍膽空  
拔營中壯士刀往事竟成蛇畫足天心已定馬同槽當歸  
遠志皆虛願歲歲祠前劍水號

### 惠陵

一杯黃土秋峻憎竹子夾道青稜稜有蜀以來此眞帝使  
君而後無漢陵垂老英雄惜髀肉當時將佐如股肱丞相  
祠堂好松柏歲時伏臘同豆豉

### 眉州蘇文忠公故宅

玻璃名一色水平鋪晚泊江干訪大蘇風月猶憐陳跡在

湖山誰道故鄉無自注東坡杭州詩故鄉無此好湖山前生法果參諸佛半

世才名誤老夫迢遞小峨眉畔路春來不聽子規呼

曉發眉州至青神

木蘭艇子撥殘星江上清風郭外亭漸覺蟻頤名成澹遠  
遙看象耳名入空冥好山似此眉應白秋水無多眼亦青  
暢好詩情須酒酌擬從坡老乞餘靈

晚泊杜家場

小作華陽汗漫遊東來三日住嘉州開船伐鼓聲何促著  
屐登山興未休十里秋光圍白塔一峯寒色上烏尤竹公  
溪畔瀟瀟雨添送來湖下懶舟

自嘉州至犍爲

丹崖紅樹望迷離十月平羌下峽時江走金沙橫佛脚天  
開玉雪豎蛾眉淒淒語長楓路歷歷人家短竹籬直過  
嘉州三百里青山處處可題詩

敘州飲荔支酒憶山谷詩白髮永無懷橘日六年  
悵荔支紅愴然成一詩

涪翁昔歲戎州住六度江邊見荔支永憶陸郎懷橘日難

勝杜老擘紅時

自注杜甫宴戎州東樓詩  
重碧點春酒輕紅擘荔支

雲封暹臘香千

縷雪翦峨眉水一卮我是鮮民今廿載不堪揮淚讀公詩

曉發合江縣望少岷山

青城三十六峯色我未登之夢想殷忽覩少岷真峴峴如

游大面岷山名一欣欣一聲孤權下殘月幾處斷巖升白雲

向晚江津定回首望暉樓遠隔斜曛

舟過忠州懷白香山

水落涪魚石點霜輕舟曉發四人鄉自注涪州有四人之稱謂華人巴人廩君

築甍也見吳船錄竹郎祠遠浮秋色蔓子城空下夕陽當日才名

推刺史臨風高唱會巴娘荒臺何處尋遺跡江北江南樹

影蒼

曉發萬縣

萬壑千巖吃水濱如花如火望中新便疑一葉江邊路已

是三山海上身月到西巖猶有夢魂經南浦易移神凌晨

起柁雲安去更試睡人麴米春

雨後望下崖

一噴一醒懸泉巖千峯萬峯如倒瓢嵌空奇石側成屋度  
欄老松彎作橋秋氣入林白日靜夕陽在山紅樹嬌無因  
舉手招仙客洞口冷雲深寂寥

同松旰編修鄧東嵐

熿

太守譚鐵簫

光祐

通判登白

帝城

拍馬西風得得來夔門險處立崔嵬蒼煙紅樹不知暮赤  
甲白鹽相向開未暇荒涼尋漢殿且憑談笑上高臺古今  
何限東流水付與樽前酒一杯

曉過瞿塘

望華亭畔淨煙蕪檣響瞿塘下舳舻一石捍流橫馬象雙



門排險扼魚鳧溪聲近合東西巖山色遙連大小巫誰與  
高唐報神女早來迎客有檣烏

曉發巫山望十二峯

神女廟前朝叩尪高唐觀上綠浮煙七千遠道歲將暮十  
二好峯秋更妍爲雨爲雲殊窈窕聽風聽水柰纏緜巴東  
兩岸猿聲合何處相思不可憐

秭歸夜泊

江天迢遞暮雲垂小泊歸州落木時客夢尙懸巴子國鄉  
歌初聽楚人辭雪霏燕樹春前絮煙縮園花別後枝萬里  
香溪今夜月一家三處說相思

自注時妻孥皆在  
京邸舍弟在安化

自平善壩山南津關

卽下  
津關

誰將平善錫嘉名路指牢關儼似城雙眼忽聞知峽斷一  
波初起覺潮生低回檣燕傳消息拜舞江豚解送迎自注至關  
時見稍怪榜人催客急游仙不及洞中行自注聞三游洞有劉姓湖南永  
州人坐石龕中不食三十年矣  
氣息如故擬登岸往訪之未果

自松滋至太平口

松滋隄柳半稔稔打槩過來影一潭隔浦煙光沈夕照遠  
天帆勢出晴嵐黃牛峽落秋先老青草湖寬水尚渰獨有  
鄉心如木葉隨風吹向洞庭南

渡海西望有懷洪介亭

占銓

編修時爲陝甘主考

天外三峯雨洗秋華陰騎馬昨曾遊君來正及涼風候歸  
日應登最上頭少室晚煙通紫閣中條晴翠寫黃流何當

更駕茅龍去縱目雲閒太白樓

湯陰謁岳忠武祠

十年汗血儼長城真見壺漿夾道迎隔代君臣猶有淚

自注祠內敬劬  
純皇帝御製詩草

當時父子竟無情南來但遣通祈使北

向終孤義勇兵

自在宋史兵志義  
勇爲河北伏兵

此日故鄉祠宇在蕭蕭

風雨颯寒旌

京口登銀山望湖作

大聲忽發水浪浪萬頃寒濤滾雪忙白晝魚龍咸起舞青  
天樓閣共軒昂疆分吳楚形原險山控金焦勢敢狂便擬  
六鼉乘曉策日波紅處看扶桑

二月一日海迎初發偕同事諸君赴吳淞口致告海

神登礮臺作

昔聞觀水必觀瀾吉禱今來得大觀萬舳寶沙通轉運  
九重玉食念艱難煙開島豁黃龍遠潮滿神亭白馬看指  
點扶桑雲五色日邊好路近長安

經營焉敢避迂疏天府由來重積儲碣石舊程修禹貢  
海濱新鹵闢河渠梯航遠道歸中極溟渤多年奠左闔香  
火乍收旗欲轉不驚鈴語送吹噓

兩載茨防論旨宣疏盈未許滯紅鮮搬倉劉晏原中策  
作楫商巖有大賢路認登瀛多伴侶地非橫海試樓船同  
舟倍切同寅誼郭李人曾望若仙

申浦連番策騎從望洋復此話從容脂膏每惜東南竭杼

軸仍勞大小供 帝軫閭閻紆穗稔海浮天地識朝宗吾  
儕忝竊多民力敬告羣寮矢協恭

案文毅撫吳助績甚著尤以海運功爲第一方發  
議之始衆論譁然中外惶惑公至定計奏行羣喙  
頓息此四詩敘述詳備神完氣足和作甚多無出  
其右公自注云唐貢碣石爲海運始元初張瑄朱  
清海運由劉河口轉海門之廖角沙沿嶼北上計  
程一萬三千里其後殷明略開新道較近由劉河  
至崇明之南沙放洋明代王宗沐等由灌河口至  
鷹游門轉搬膠萊沈廷揚由黃河口出洋趨成山  
今俱沙壅難行本年出吳淞口至十墩奈山放洋  
爲從來運糧未經之道又自康熙二十八年開海  
禁重洋平靖已久又各省議折漕停運奉旨不  
允上年六月在皖奉命調蘇議請海河並運並  
請嗣後仿照唐代轉運搬倉法於清浦建倉以備  
緩急先是海運之議發於協揆英煦齋師欽縣相  
國曹公文秋潭大宰大司馬王研農師尙書王省  
齋前輩請多贊畫張平師相尤屢荷札商

游慧山寺試第二泉

慧山山下慧山寺寺裏泉流第二名每怪唐人誇水遞只  
宜坡老揀茶烹濛濛霧向竹中出淅淅濤從松外鳴不用  
風前張雨腋梅花一路看春生

題南村耦耕圖送湘臯還新化

依然識字老耕夫風景南村入畫圖我見君苗焚筆硯人  
言臣朔困侏儒買田石佛家應近辟穀金仙粒久無猶有  
還山風雨約不教秋興惱催租

題尤春樊舍人東籬雅會圖二首

今年馮鷗太無賴十萬農田已不秋滾滾濁流兼地盡濛  
濛野色接天浮竟無芝草療饑口怕對黃花笑白頭猶有  
園林窮勝事時平詩老自風流

白衣遙送離邊酒此會吾應作主人  
九日秋心催茂苑十年香草憶湘濱  
詩成北郭多吟友座對南山悟淨因  
好向君家徵法曲天然菊部是花身

學使辛筠谷前輩次海運詩韻見題籌災摺稿賦此  
致謝

桑田驚已化狂瀾百萬平疇失舊觀如此災傷今乍見可  
知博濟古原難龜鼉畫向隄邊臥魚鼈晨從樹上看定識  
愆尤緣我輩不勝轉側履違安

蓄清未必古人疏誰遣虹隄潰內儲但見下游成仰釜不  
聞高地載醜渠前門暗塞穿回澗別徑旁開浪尾閘可怪  
蛟龍忘窟宅猶將雲氣四山嘘

錫賑兼施 詔屢宣 九重肝食念艱鮮得生人幸逢

熙世拯溺臣原愧昔賢敢語勞交恬雁戶

白注前奏籌辦收養災民

奉 疎批朕正深廉注覽奏精詳周妥朕心稍釋務要隨時妥辦等因仰見 聖心刻抱如傷之隱殊愧奉行未能

盡善 未應悉索速歟船自注搜括有及痛 慈航仰藉

也

天風御苦海仍登大願仙

使節匆匆枉過從一樽暫對話春容每瞻 北闕懷同氣

况值西師乏正供舊雨曾依老前輩

自注乙亥歲居宣武坊南與先生爲鄰

土風新采大文宗撫綏無術慚量吏願託芳暉勉靖恭

十一月三十日游焦山次借庵上人七十詩韻是日

值余初度用生字韻增之共得詩八首 錄六首

海門山迴客行稀著屐重來雪爪非

自注丙子初春曾遊此山



沈湘者舊集

卷第一百五十八

六

滋泉乳細仙崖長  
養玉苗肥行穿竹樹依  
芳磴笑指松寥  
問舊磯比似後游懷  
赤壁笛聲吹送鶴南飛

雲衣眞欲學  
袈裟爛漫江天色  
補媧對酒恰宜山翠好  
開窗不著渚煙遮  
檣鈴有語人初渡  
庭石無心客莫誇  
試向寒梅訪消息  
水邊疏影正橫斜

回首春時海上游  
竇山高處話勾留  
香旂颺續千帆出  
玉雨瀛洲一笠兜  
肯遣搬倉通洛口  
未應漉米到矛頭  
憑欄俯仰多慷慨  
合倩金樽爲浣愁

瘡痍滿眼定誰醫  
災到今年已是奇  
幾見新圖翻鄭俠  
何堪流水問鍾期  
過河但有枯魚泣  
移谷能無知叟疑  
指點維揚千萬戶  
炊煙冷澀恐難支

尙記丁年放櫂曾雙峯頂上手捫藤數椽坐對松髯叟半  
日閒同竹院僧此境至今懷杜牧自注丙子游焦山和杜茶村韻六首故山  
何處躡孫登印心石上印心屋商略雲巖第幾層

亦知幽壑費綠縈爲愛茲山有重名半壁能回滄海氣兩  
潮先束大江聲溪山近矚多同侶風雨遙天感舊盟韻借  
借庵還借一百齡吾與學長生

送潘芝軒師入都

經綸碩望領清班蓬頂文章孰許攀五色慶雲曾日下十  
年霖雨在東山家傳穹石歸鴻寶庭有嘉賓報雀環慚媿  
門牆舊桃李臨岐顛頌是塵顏

年年江國困漕渠南顧頻煩盱食餘宣室倘塵前席問

水鄉親見下游居珠杭比里仁人粟

自注捐置義田數千畝

金鑑千

秋宰相書

自注近輯鏡古編皆經濟名言

引領膺舟思附楫順風天末正

吹噓

六月二十六日自蘇州赴鎮江舟中暑熱異常二十

九日泊金山憩山麓小院中向夕登舟作

金山東角崖千尺高閣凭臨一洒然石養靈根長在水松  
藏古色不知年回甘且試中冷味去酷還愁大暑天輸與  
山僧能不熱白雲低亞竹牀眠

登舟向晚尚依依月黑江深夜氣微神怪我頑歸未得夢

傳公至蓋先飛

自注時與襄平節相帥約晤於此

檣燈照水留山影螢火

驚風上客衣一十二年前浪濶記曾吹枕臥禪扉

自注兩游山

以大風剛  
渡宿寺院

再次九日偕游滄浪亭韻

自笑頻年困簿書，秋風遙隔舊茅廬。  
徑荒松竹離林鳥，夢繞江湖逐隊魚。  
白社尋盟樽酒澀，青燈話雨夜窗虛。  
索居此日搏沙聚，獨愧詩情遠不如。

登靈巖山

幾年爽氣西山望，今日靈巖一放歌。  
吳越全圖歸指掌，滄瀛尺地見通波。  
便從高處呼元宰，真覺池邊有太阿。  
繁響忽生風葉亂，拂衣歸擬埽煙蘿。

追和琴涵秋興韻八首之二

昨夜星辰昨夜風，用舊句刁調送響入簾櫳。  
乍聞雨滴瀟疏

外從古秋生感慨中世事高低吹馬耳人間朝暮付狙公  
姑蘇臺上千家月爭遣浮雲作墨籠

濯纓原不定滄浪濠上澄觀意已忘但隔蒹葭生悵望未  
應松菊遂荒涼天寒路斷魚龍夜水滿秋沈燕雀堂太息  
無因迴舞袖登場鮑老漫郎當

自題皖城大觀亭圖

五年皖伯城邊住拄笏青山峙大龍暇日大觀亭上望落  
霞秋水散芙蓉江流滾滾來天地祠樹陰陰送鼓鐘亦有  
豐碑書峴首

白在宋景濂有余闕傳  
余爲書石立忠宣祠前他時冠蓋記吾從

自題畫幀寄劉先生

有序

劉心地先生與先君黃江公爲石交今年逾八十矣書

來時念鄙人並道及先君若岑之素令人惘惘其猶云  
大順來金閭倩畫手趙颯寫余像持歸以慰先生想念  
之意此可見先生一門孝友之誼與友朋關愛之情也  
因題一詩以識其事兼以質之先生俾數千里如面云  
數載江南 主命宣蕭蕭華髮漸盈顛敢云憂樂關天下  
但覺形容異少年地隔停雲生客思窗寒夜雨記牀連新  
圖當作梅花寄莫認屏風寫樂天

十一月二十日同陳芝楣宋湘帆兩糧道及鎮江趙  
雨樓太守前升守羅麓西觀察由丹徒橫閘出江湖  
流至焦山時糧船北來歸次淺阻於京口內河余議  
改道由大江直下至橫閘入口弁丁以焦山南岸有

象山爲險百計阻撓故親往指視是日傍北岸取道  
對渡更順開此一路亦數百年來漕道所未有也晚  
歸賦一詩

兩年不踏焦山路今日乘風快此游黃葉作聲添瀾響自注

山鑿石牛向晚歸燈橫閘外幾人驚識李膺舟

夜宿太湖東山題古雪居

古翠標門妙墨畱

自注門額翠峯寺三字董香光書

禪房深處徑通幽窟

連樹色雲生案澗瀉濤聲雨入樓遠有明湖窺一角乍來  
絕頂豁雙眸匆匆莫訝鴻無跡兩夜青山借枕頭

壬辰四月念六日偕鄒公眉謝墨別暨諸同人登粟

海寰臺山有作

振衣直躡蒼梧上萬里瀛雲鬱此臺眼底地形三島扛城

中山勢兩條來黃流一氣包淮海青頂雙峯挾雨雷自注極高

爲青峯頂又傳與鸞鳩應一笑十洲風景信悠悠

石級層磈手歷捫剛如靈岳訪天孫自注階級比岱頂之天門尤峻山空

一任雲今古潮遠能迴日曉昏每怪齊人夸北海浪傳秦

帝表東門江河路奠朝宗永可是鼇維此柱尊

曾聞船禁限當年畫地拋荒事偶然自注順治十八年以

徒其民於內地都郁久知洲卽島自注山海經以此山爲

康熙中復之桑麻今變鹵爲田自注乾隆中海張東卻緣王海疏禺筮

欲引神山渡願船自注淮北商運疲敝擬改澤雁來歸雉

行粟鹽之法聽民取自便



雉滿早甃香送午風宣

半生自慨牛馬走長嘯忽聞鸞鳳聲海濶天空有斯境水

流花開無世情逕思結伴拾瑤草可許上仙貽玉英夕濟

郁洲倘能賦述初何日遂鴻征自注崔季珪述初感吾濟乎郁洲卽謂此山

沐陽道中

閭俗欣乘沐水春落花飛蓋樹沿村楚風舊城恢東海淮  
雨連圻鎖北門山走羽淵千里豁原鋪鱗隰六塘渾迎人  
一雨征塵淨恰喜青青漲麥痕

曉發沐陽入海州

胸程東指馬蹏催曉露如珠上麥胎古邑尙存龍且號遙  
山多自馬陵來屏開錦繡霞千嶂自注錦屏卽胸山在州城南海隔舊

徵水一杯

自注州城北有舊徵河

知是陳唐舊湯沐

自注同郡陳恪勤公鵬年唐尚

山先生仲冕俱視海州名宦祠故又名

九疑鄉色望雲臺

自注海州雲臺山舊在海中相傳從九疑飛來

蒼梧山

### 海州道中

表海居然控列壙州如斗大此稱雄泯沂平引青州浸齊  
楚橫當大國風里有高門容駟馬畝餘夏翟貢華蟲獨慚  
無術紆鶉結緞輯惟應祝屢豐

### 題畫二首

山寒石氣青木落生高爽遙見白雲中數峯自來往  
煙末黃茅屋泉封戶不開一行何處雁天外帶秋來

### 燕子磯

王謝烏衣認已非，舊家池館漫斜暉。  
最憐嗚咽寒磯水，猶照風檣燕子飛。

送崔書城回芷江兼簡王萬泉

又作江湖汗漫游，回風天末引扁舟。  
繡巖西去明山色，笑拍紅崖識故侯。

六代江山著老夫，強將煙月換菰蘆。  
君歸定晤龍標客，

自注

萬泉時官  
夙州教授爲道旗亭興久孤。

松林書屋圖爲湘臯作

溜雨霜皮古色深，天然石友見丰稜。  
當年老子行吟處，樹影蛩聲共一鐙。

謾謾聲清滿四山，胡髯垂屋亂泉閒。  
百年喬木風煙在，看

到孫枝又一斑

題蒞鄰鐙窗梧竹圖

主客圖成一卷詩寒鐙相向鬢成絲  
窗前梧竹瀟瀟夜正  
是拈花微笑時

文節祠前一瓣香  
浣花詩派久尊黃  
卻從三峽源頭上  
更訪成都舊草堂

二月望夜上海吾園觀鐙

吉貝黃婆力補媧自注上海棉布之利起於黃道婆詳見陶南村機耕錄頃爲建祠卽在吾園之

右剪鐙今見綵籠紗自注鐙樣玲瓏望若花團錦簇卽之皆剪紙所爲天工巧試

丁娘子自注國初有丁娘上海人織布甚新因名丁娘布新樣開成頃刻花

魚龍曼衍路恢恢  
遼左風帆計日回  
不信重洋波浪靜  
六

鼇親駕海山來

管絃雲外和參差腰鼓鞞鞞柳颺絲更借笛聲吹入破

天兵昨已掃邇茲

自注同西張格  
爾除夕就擒

最好春臺其上時香風吹滿萬花枝吾園合比吾廬愛莫  
認山公醉習池

上海豫園絕句三首

有序

豫園在上海城隍廟後奇秀甲於東南水石迴環軒亭  
四映各極其勝中爲三穗堂前有池虹橋曲折以達  
湖心亭其東爲得月樓堂後亦有池池之北爲層阜壘  
石三成高低偃仰登其顛以望遠近數十里悠然在  
黃浦吳淞前後縈帶余爲創亭曰一笠堂之東爲花

西長廊皆有亭臺怪石峻嶒林立目不暇給余嘗各  
書一帖一聯以紀之湖心亭云野煙千疊石在水漁唱  
一舟人過橋得月樓云樓高但任雲飛過池小能將月  
送來西廊云放鶴去尋三島客約梅同醉一壺春東榭  
云我欲從之瑤島樹邊花外客亦知夫水月江上山閒  
三穗堂云此卽濠閒非我非魚皆樂境恰來海上在山  
在水有遺音一笠亭云游目騁懷此地有崇山峻嶺仰  
觀俯察是日也天朗氣清蓋丙戌上巳前海運初發偕  
僚友吟眺所題也比因吳淞開壩復憩此園日在洞天  
因卽楹帖中七言足成之爲絕句三首以識歲月云爾  
不借東風弄晚橈溶溶曲沼柳條條野煙千疊石在水漁

步瀛洲集卷第一  
唱一聲人過橋

綺閣紅樓次第開迴廊百折見花臺樓高但任雲飛過池  
小能將月送來

匆匆小駐亦前因  
整爲閑亭作主人  
放鶴去尋三島客  
約梅同醉一壺春

往在渝州塗山得奇石白質青理窈然如雲置之齋  
頭臨行遺挈適見豫園池角一石相肖憶之以詩

白雲抱石出高山  
山上雲飛去不還  
憐爾白雲天上物  
便隨流水落人間

崑山舟中

白鶴江邊雨乍消  
青龍浦上水平橋  
布帆十尺唯亭外  
又

見東風送早潮

郭林宗祠

下馬來尋蔡氏碑風流想見墊巾時  
祠前十抱孤槐影霜色猶存太古枝

自注祠前古槐一株大數抱云是漢植

聞喜懷裴晉公

名家東眷久荒涼烏雀晴喧綠野堂  
畱得行軍司馬筆河山日月尚輝光

灰塹

自注在洞南西南五里

獵得功名字幾行浪憑開口說黃唐  
遺編多少塵封閣卻向灰塹怨始皇

新豐



粉榆社冷接蒿萊擁帚家人事可哀  
乞得孫兒頡羹號乃翁先自一杯來

長沙竹枝詞和曾賓谷廉訪

峯繞三三灣六六湘水湖山終古奇  
水流似妾腸欲轉山面如郎情可疑

九歌哀韻愁今古人海波瀾總不平  
莫怪南來橘洲路路潭無底亦人情

香茅蓋屋黃添就苦竹編籬綠作成  
只有湘山諸野老白雲長伴一身輕

天心湖望楊閣部墳山二首

迎籌幃幄原乖術畢命疆場匪愛身  
世亂始知才不易督

師死後更無人

師門忍用鞭尸報謗口誰從死後明檣杙若教成信史莫

將首惡柱周生

周生事見池北偶談

舟過常州

西風華髮漸盈頭遙夜匆匆一葉舟好是行歌無野哭不  
同坡老宿常州

沅湘耆舊集卷第一百三十八終

沅湘耆舊集卷第一百三十八

三五

沅湘耆舊集卷第一百二十九

新化鄧顯鶴湘阜編輯

湘陰左宗植仲基校訂

何文安凌漢

六首

凌漢字雲門一字仙槎道州人嘉慶乙丑進士

殿試一甲第三人授編修歷國子監司業左春坊

左中允一曰講起居注官擢司經局洗馬轉翰林

院侍講侍讀升右庶子國子監祭酒出爲山東學

政在任轉侍讀學士晉通政司副使擢順天府府

尹授大理寺卿署兵部右侍郎授都察院左副都

御史晉工部右侍郎浙江學政調吏部右侍郎兼

管順天府尹補授都察院左都御史工部尚書署  
吏部尚書調戶部尚書終於任 予諡文安公以  
辛酉拔貢官吏部甲子舉京兆試立朝四十年屢  
操文柄未履外臺而京尹一任最久理繁治劇不  
動聲色畿輔肅然諸子稟承庭訓皆有學行長君  
子貞編修紹基尤有聲公薨余輓以聯語所云中  
立古名臣世載清風三獨座競爽四男子一門絕  
業共千秋者也公名德清望不以詩鳴其詩清和  
懿美政未易及

荆卿故里

天帝方醉秦於燕復何有遂令國士心取亡由七首劍術

豈云疏生劫僅差後報韓奮鐵錐當年能中否博浪尙可  
逃繞柱那可走得失論英雄易水應悲吼

業兒白豫回京喜其病愈

夜來車馬何駢駢人趨報兒方歸拏簾向膝便倒拜我  
撫其龐差近肥去時顏面薄如紙夢中所見不到此從今  
慎保千金軀我爲汝曹今老矣

御書印心石屋詩爲陶雲汀尙書題

衡山高高火維控九江環合洞庭洞下敷膏液茂嘉穀上  
爲休明毓良棟資江片石誠區區謚爲印心從厥初豈意  
名臣此發軔山根昔有先人廬結廬瞰江與石對少小執  
綬侍處誨雲霞絢壁心逾明風雷殷空石長在 一日釋躋

登巖坡鸞鶴鳳翥青霄摩天下蒼生足霖雨江邊老屋滋  
藤蘿 天語垂詢事非偶榮荷 宸題字如斗墨照山中  
草木驚光搖水底蚪龍走 聖心如印印臣心臣心石堅  
印鑄金一任風瀾自掀觸永保方寸無浮沈與石別近三  
十稔今奉 天章敬雕鏤九華雙筍徒紛紛付與詩人浪  
題品

題陳迺錫先生東祝堂詩草墨蹟

男兒及壯當封侯志士固窮守故邱從來顯晦祇兩途先  
生出處何不侔時當草昧經綸起往往狐兔藏林隄忽騎  
鞍馬出白屋坐令談笑清黃州諸皆銷沈贖崖谷一軍勇  
冠輕兜鍪豈知功成不受賞湖湘千里容扁舟雄鎮競傳

開虎帳長江無處覓羊裘歸來萬事不挂眼惟有新詩自  
唱酬興酣落筆還自寫健氣凌厲藏吳鉤手把一編遂終  
老誰復重窺百尺樓吁嗟乎先生之才可大用勞不言伐  
功不讎可潛可見兩不執令我仰止恍前修隱德誠宜百  
世祀此卷何僅珍琳璆

己丑迎春呈盧南石相國

祥飈吹垢啟元辰閭闔晴開簇仗新大有己占冬至雪太  
平幸遇歲朝春累朝神聖空千古一念艱難軫兆民  
尺幅荒牛厓帝覽幽風無逸義兼陳

春圖歲進供京尹稽事原居百事先攝以重臣光相業亦  
茲首善勵官聯我慚退食縻餘棧私幸趨公近大賢聞道

占風來良位簪臺好誦屢豐篇

彭修撰浚一首

浚字寶臣衡山人嘉慶乙丑進士殿試一甲第  
一名授職修撰歷官侍講改員外郎終奉天府丞  
兼提督學政

郴州道中贈曾石友明府

北風吹我度仙居瑟瑟寒郊路幾紆履草泥深供不借  
溪水響喚相於松櫨欹石層巒密驟馬馱雲古驛徐幸有  
風流賢牧在相逢傾蓋慰胥疏

聶紹興銑敏六首

銑敏字蓉峯衡山人嘉慶乙丑進士改度吉士



館改兵部主事

睿廟五旬萬壽恭進詩冊賞

還翰林授職編修出爲四川學政浙江紹興知府  
有寄嶽雲齋詩鈔

遊巾紫峯遇雨

衡峯七十二最秀有巾紫凌空近千尋去郭不數里侵晨  
入山逕宿霧着四起難分衡參嵐莫辨瀟湘水颯然秋風  
來花雨清如此巖頭滯老衲谷口歸樵子估帆見亦稀村  
煙迷遠市清泉半壁流新泥沾屐齒葉黃溼不飛松翠紛  
如綺遙聞鐘磬聲知在白雲裏

望郴江一帶諸山有寄

噫吁噉郴江之山何魁奇削出石骨堆江湄估人漁子共

洞湧千曲百折行透迤我遊白鹿洞繡壁森蒼眉放舟下  
江郭連峯青屨屨侵晨路出石灘外舟人指點沿蓮池從  
茲直下紛應接山紅澗碧明朝曦一峯秀上插碧落一峯  
橫亘淨清漪兩山壁立各相屬欲斷不斷雲迷離或如衆  
佛護彌勒亦似奇鬼環鍾馗前者溪下飲牛馬後者山頂  
登熊羆小艇渡江具篙楫長屏列座羅幃帷千態萬狀不  
可定驚魂駭魄心神移神工鬼斧力雕鑿太空元氣將毋  
虧上有峭壁千尋臥猿猱下有澄潭百尺潛蛟螭攀蘿履  
蘚欲上又復下唯見縑流羽客結伴紛追隨興酣酌酒豪  
氣發塵崖誰與題新詩就中洞穴最幽邃時有居民誅茅  
茨千古桃源在人世魏晉秦漢焉能知仙人棺槨尙可見

歷劫不壞天風吹我讀子厚永州記少人多石心懷疑試  
觀郴山擅奇特鍾毓仙佛適等夷方今文教遍陬澨豈無  
英傑生於斯郴山南峙高且危郴水東下渺無涯一重一  
掩自關鎖行人發櫂如鸞馳別伊人兮去何之使我望遠  
心傷悲

上西嶺

一徑穿嵐翠征程萬仞懸危橋橫絕壑亂石瀉飛泉山峙  
同螺縮人行作蟻旋徘徊看雙柱搔手問青天

過西嶺

籃輿不坐共追攀翹首天邊日色寒曲磴入雲樵子熟荒  
田無雨稻孫乾嶺頭地闢林亭敞山後天開境界寬十月

雪深人不到懸崖東滑馬蹶難

夜坐望雲麓山

寒雪初消碧樹林名山未入不知深  
幾人趁此春宵月朗  
朗書聲和梵音

春城晝夜極喧豗江上清光撥不開  
久坐船頭玩山色煙  
中漁火一舟來

向東陽光隆

六首

光隆字壘山溲浦人嘉慶乙丑進士授浙江東陽  
知縣東陽何氏明宣德中有官兩淮轉運者浚井  
得蘭亭石刻自以爲定武初本無疑何氏子孫世  
寶之名曰一白堂定武石壘山既仿子昂作十七

跋復作何氏蘭亭記以張之亦可謂好事風流矣  
有是亦編詩文集

和懷麓堂西涯雜咏卽用其韻

西山

夕照滿林前登臨獨搔首閑來一事無坐看山雲久

響聞

溪流忽有聲一牖春泉滿積漸自盈科汲勿憂纒短

楊柳灣

千條散密絲萬縷垂青線人語忽相聞依稀來隔岸

稻田

數畝種宜稻甘霖當夏足無爲乞米書已見紅稷熟

菜園

抱甕晨爲汲，揮鋤夜有聲。  
蓬蒿三徑闢，薺韭一畦生。

廣福寺

樓勢欲凌空，倒影在湖底。  
禪關不著塵，庭院清如水。

蔡學正信芳

四首

信芳字潤之，善化人。嘉慶己巳進士，授國子監學

正有芷軒詩鈔

蔣宜軒望雲圖

具區之勝推林屋，中有幽人結邁軸。  
白雲一片護親廬，琪草當階幾叢綠。  
一從負米來湘渚，歲歲征衫事羈旅。  
故園三徑夢中遙，岵峴頻瞻淚如雨。  
朝來示我望雲圖，煙光黯

澹雲模倂長松離立拂雲出上有返哺啞啞鳥蒼茫指點  
雲中路金庭玉柱知何處憾不將身化作雲隨風飛度江  
湖去君不見嶺上白雲隨處有不堪持贈君知否天涯歲  
月等閒過春風又綠垂垂柳

與余雲廬夜話

池畔招涼夜未闌雨餘六月頓生寒城頭缺月穿雲出林  
外孤鏡隔水看前路風塵悲短歛故人車馬憶長安那堪  
又作經旬別回首關山思渺漫

七夕同人讌集各賦所感分韻

新月如鈎挂碧虛關河極望渺愁余生生翠憶重門柳豔  
豔紅看曲沼藻不斷柔情千里外無多香夢五更初長筵

沙津者有身  
卷第百三十九  
酒散鑪煙冷  
愁對銀河獨曳裾

獨坐

坐聽蟲聲語  
夜闌頻年旅  
食尙長安別  
無一事勞清  
夢  
有微名到冷  
官秋意每隨  
風雨變人情  
只作畫圖看  
何時得遂田  
園樂堂北金  
護砌下蘭

王教授育一首

育字篤眞號萬泉安化人嘉慶己巳進士授寶慶府教授

中丞姜度香先生勘出衡山羅氏田畝捐入嶽麓書院詩以誌之

名山講席隔遙岑  
開府公餘此地臨  
常有藥籠收俊物  
豈



無蕙畝浦甘霖始知虞芮閒田化都是菁莪養士心爲語  
諸生勤播殖莫教鹵莽負分陰

李舍人在青

八首

在青原名長青字白橋湘潭人嘉慶辛未進士授  
內閣中書舍人白橋甚有時譽詩不多見僅從嶽  
麓詩鈔錄其小詩數首

嶽麓東西亭

柳岸行來遠桐陰步去遲一亭如畫裏人影倚欄時  
水深待月明人靜知魚樂不厭往來頻倚山橫略徇  
四面疑無地雲山入座多最宜明月夜盤裏擁青螺  
知水仁山裏怡情有醉翁青疇盈檻外指點說幽風

柳密堪留客荷香好受風結茅剛一笠依約水雲中  
環溪碧藕池隔岸桃花塢坐對雨忘情花枝隨意數  
高峙圓如蓋簷低豈礙山江聲聽不厭帆影夕陽閒  
寺遠鐘聲渺林深樹影齊別饒風浴趣煙月草亭西

尹桐城作翰

十四首

作翰字叔藻一字吉生湘潭人嘉慶辛未進士歷  
官江西武寧安徽懷遠望江知縣以才調桐城不  
久引疾歸著有如如精室詩集

擬古

生年不滿百常懷千歲憂我服膺古言光陰傷速郵二十  
方弱冠三十快壯遊宛洛燕趙閒馳輕驂驪神仙古宮

關遠隔蓬瀛洲中夜起徬徨瓊瑤何處拔來日不可必云  
日未可留願君惜韶華信美思姸修

白箴

日讀古人書古人與我語日聞古人行古人與我處我生  
古人後古人近如許非真古人近精神能致汝轉眼我古  
人後人恐不予人生須努力無使來者拒

衡嶽南天門

通天忽有門元氣浩然存矚目衆山俯舉頭蒼昊尊仙禽  
棲樹杪神虎踞雲根莫輟探奇興星河手待捫

詠陳恪勤公手植槐

自注樹在都中會館前院同  
人圍以石欄立碑表識

昔賢不少待古樹尙遺畱桑梓分餘蔭風霜歷幾秋參天

紅日近匝地綠雲稠封植毋相忘低徊一葉舟自注院中有書室號

虛舟亦格勤所命也

讀豐樂亭記有感

烽煙息已久比戶歲常豐一記傳遺俗來遊企古風馭民無猛虎集澤有哀鴻自注時皖有大水災何以周民隱偏隅雨露同

白鶴峯

瑞靄接龍眠空濛騰紫煙一隄環水碧三面枕山圓樹杪掛樓閣峯腰種稻田意思騎鶴去把臂學飛仙

黃州道中

丹嶂四圍繞如雲撥不開正疑無路出忽訝有帆來波靜江豚伏風號灌木摧坡仙如愛客把臂共銜盃

客至同賦用壁閒張湘門前輩韻

百年何事寄人閒  
小住名藍當買山  
春向雨中拋客去  
僧從雲外帶詩還  
才慳莫副千秋願  
興到同偷半日閒  
入座蘭言清肺腑  
向來俗慮一齊刪

流水橋弔何黎平

雄師百萬擁貔貅  
養士深恩誓欲酬  
帝祚欲畱文信國  
天心難挽武鄉侯  
零丁淚灑黔南雨  
飄泊魂依粵嶺秋  
取義成仁兩無憾  
捐軀一笑大江頭

暮宿浮山

山亦名浮漫笑人  
早知大塊一微塵  
有根方證菩提果  
無著同悲夢幻身  
我已薄官思遁跡  
僧還賴佛欲醫貧  
暮鐘

休更禪堂打湘浦煙雲待課春

良工

技通乎道技方成廣廈巍峩巧匠營已選榱桷爲大用還  
教榜櫟不虛生只憑覺世真規矩直抱憐才古性情似此  
斲論逢老手深山草木盡敷榮

與秦百二話舊

六朝無恙宦情疏又挂輕帆返敝廬正擬塵襟邀月浣偏  
遲花徑帶雲鋤疏狂笑子猶如故面目知予未改初好是  
山妻聞客飲呼童破甕劇圍蔬

岸花從古擅風流柳陌菱塘事事幽賸得幾人猶老輩再  
遲七日是新秋二分涼月窺莎徑萬斛濃香撲畫樓從此

過從成二老雨湖樂事又從頭

飲漱石芋香書屋

高樓曾記吸瓊漿寂寞今纔到上方老衲亦知詩有味枯  
腸頓覺酒生芒微塵夢醒春無跡大壑舟藏影亦涼誰嗣  
竹公老衣鉢齋厨惟祝芋生香

自注竹軒滌塵石舟三  
詩僧俱先後去世矣

鄭襄陽敦允

十七首

敦允字止川別號芝泉長沙人嘉慶甲戌進士改  
庶吉士散館改刑部主事轉本部員外郎中出爲  
襄陽府知府調署武昌府兼權督糧道祀襄陽名  
宦有白石園樵詩草芝泉官刑部最有聲在襄陽  
修復鹿門書院建樊城石隄子岸以稗由廬建夾

底漏規渡航以禦風浪詳請 奏借帑項生息以  
充緝捕襄固盜藪先後擒獲大盜百餘名凡莠民  
里魁爲民厲者除之立盡襄民至今德之

擬古

亭亭松柏姿虬幹老霜雪裊裊藤蘿質附物易摧折君子  
貴自彊介石勵清節此生縱碌碌因人非所屑  
夕鶴昂庭階矯矯稱奇姿一飛偶控地掩耳羣相嗤毀譽  
何足重窮通固有時微管無鮑牙三北誰見知

乙亥八月北上

畏日夏日長愛日冬日短光陰與願違喜促愁則緩我歸  
自燕京月圓曾幾回歸期數未已別晷倏我催不信歸來



好一歸添一別離  
緒日以增遊子心如結

餓者行

赤早已三年盜賊復流毒  
農村人去盡鳩鴿委溝瀆  
不嗟生不再但怨死不速  
手足尙能動烏已食其肉  
鄰村喪家犬狺狺肆躑躅  
做衣散原野腥風被草木  
有客來洛陽見此良觥觶  
日暮荒山道隱隱聞鬼哭  
但傷行路難何以起窮蹙

生日自警

人生一百年能活幾廿七  
吾年縱九九三已去其一流光  
冉冉過始若甚優逸  
即當春復秋不覺又生日  
愉如昏夢中忽聞一嘖  
喝回首昔時事心目存  
瑣屑兒時生日喜今

爲生日慄少壯倏白頭光陰何倉卒修短且勿論庶無慚  
明發

中秋有感

去年今夜羅肴酒安排盡出山妻手兄弟同時醉佳節客  
中骨肉情逾厚今年今夜瓜果陳不見昔時相對人  
旅館蕭條甚死別生離贖此身

過洞庭

微茫七百里故鄉風景殊水闊岸皆失天圓湖與俱金盃  
影出沒鐵笛聲有無欲買半閒屋移家傍荻蘆

曉發汝寧

輪蹄逼人甚夜起更未闌短睡亦鄉夢長空知曉寒  
黎

借市遠徑後臨風單征雁已旋北尺書求寄難

過汴城村店晚殮

欲投茅店宿紅日已桑榆村遠人煙少霜乾鬼火孤棗糕  
和凍滑麥飯與塵俱野叟徐相告三年遍地枯

宿彰德

長途腰腳倦且喜罷征鞍日落霜猶溼風多火亦寒菘經  
春雪軟酒得故鄉難慷慨挑燈坐三更意未闌

初秋卽事

旅館橫孤榻窗南罷撫琴雨聲延睡味涼意入歸心庭外  
花垂影簷端鳥弄音此閒秋信早爲我滌煩襟

暑中卽事

一麾今出守遙望峴山碑地古郊原濶官新吏役疑雨聲  
江漲驟涼意稻花遲多少窮簷事焦勞未敢辭

碧螺莊春望

自注莊爲先大父所建與大父祖母兆次松墩相去咫尺

清齋門外接平蕪春滿園林草色蘇曲港船來翻似去隔  
村山遠澹如無疲驢雖老猶諳路村鳥多情勸把壺惆悵  
扶筇遊賞處松濤萬頃護靈區

夏夜

了無一事在胸中花影依人月滿空几榻潤占將至雨蒲  
葵涼逸偶來風睡魔惟有詩能卻酒病何須藥屢攻蝸舍  
不知炎熱苦夜深清露飽吟蟲

泊夏口

臘月緣江荻絮菱紅檣密豎舞風驟奇雲有隙能篩日遠  
水無痕祇露帆粉堞逶迤通北里繩河縹渺接西巖夜深  
鸚鵡洲前泊霜露霏霏上客衫

和賀蔗農同年見贈元韻

愁緒多於柳萬條故人憐我太蕭寥秋深且喜無風雨官  
冷渾疑遠市朝自笑孤蹤眞落落感君佳句悵迢迢天邊  
雁影分飛去各有鄉愁酒不消

和友人鐙下看牡丹元唱

鼠姑叢外又斜曛桂燭蘭膏取次焚華圓暗延春半响瑤  
臺多占月三分碧紗低映層層錦翠幕高攢朵朵雲花意  
渾然忘曉夜向人一例吐芳芬

送大兄南旋

花放寒梅正北遊，歸舫飽挂一帆秋。  
十年鄉思增惆悵，四送君回我尙留。

鄂鄆縣汪燦

六首

汪燦字雲麓，湘潭人。嘉慶甲戌進士，授陝西鄂縣知縣。有雲麓詩鈔。湘潭郭氏一門風雅，姑姪姊妹都能詩，雲麓諸女皆才媛也。蓋其耳濡目染淵源，爲有自云。

題王孝烈傳後

小亂避城大亂避鄉，雞入不敢嘍。畏賊如虎狼，解方賊未  
至好語慰姑。聞賊突來姑號兒呼扶，姑出門時予將向

之二姑老憊難行兒幼叱不走半山望賊兵三尺刀在手

刀光如雪殺人無血阿姑阿兒立刀前搶地呼天痛欲絕

三姑死婦不孝兒死夫無後姑兮兒兮誰能縱之離虎口

四解心惟知有姑不敢惜身軀出抱姑噫姑墮淚賊見婦容

賊心醉縱汝子釋汝姑汝毋心悸五解姑猶未行兒猶前欲

死不敢死淚珠如湧泉六解姑去矣兒行矣我從賊賊拽婦

不起賊怒婦誑已三又婦婦不動燼一死泰山重七解迄今

百年墓草芊芊譜牒傳焉邑乘編焉奕葉繇焉廟貌新焉

敬作歌詩金石永鐫八解

### 偕巨然萬壑松風圖

五月六月暑氣驕欲雨不雨首空搔飛來萬壑排層霄長

步清者有集 卷之三十一  
松拔地百尺高恣遊松下除煩囂忽聞天籟起平臯綠雲  
不散風蕭蕭懸崖峭壁驅波濤半空飛落海門潮蛟龍震  
怒山鬼號老僧一笑雄且豪不揮塵尾揮兔毫空林撥墨  
響嘈嘈禪鋒參透砭吾曹披圖清夜吼蒲牢

海會禪林聽雨

一春晴未放古寺水雲迷清磬一聲歇舉雲四面低老僧  
來院北共我坐樓西撥火重煨芋莓苔綠正齊

雨湖詞

煙柳湖邊柳萬條條條斜拂小紅橋郎過湖橋休折柳柳  
枝消瘦似儂腰

翠芳圓裏劇風流郎去看花花正稠爲折一枝新茉莉替



儂簪上玉搔頭

上天符廟夜張燈  
下天符廟客吹笙  
聽笙人往湖東去  
觀燈人向湖西行

趙御史先雅 四首

先雅號鹿潭益陽人嘉慶丁丑進士改庶吉士散館改主事累官御史有鹿潭文集鹿潭博雅嗜學嘗著地志一書未及成而卒

九日對菊

獨立風塵外  
應憐秋色殘  
一年開最晚  
九日醉中看  
骨冷原非傲  
霜酣未覺寒  
我心亦澹絕  
不厭久憑闌

答敬亭

波神書卷集 卷第百三十一  
十一  
紋波洲上日書空日極蕭條兩岸楓三載吟憐漁父笑百  
金賦護馬卿工誰令鷓鴣鳴秋草獨覺鷓鴣避海風萬里  
江山同一眺不將成敗定英雄

月夜過溪上庵

海上纖纖挂玉鉤扶筇且步暮江頭藤蘿影入諸天靜殿  
閣風清五月秋滿院林花霑露溼當門溪水帶星流何緣  
放曠人閒世長共廬山惠遠遊

春風

春風若嘖醐能使山色醉谷鳥一聲曉驚醒四山睡

胡詹事達源十四首

達源字清甫號雲閣益陽人嘉慶己卯進士殿試

一甲第三人授職編修晉國子監司業轉侍講侍  
讀左庶子升翰林學士大考擢詹事府少詹事

日講起居注官武會試總裁失察降侍講以內艱  
歸服闋未補官復丁外艱卒著有聞妙香軒文集  
弟子箴言等書公以文字學 注知初充

睿廟實錄館纂修

天子嘉其書有法特賜

召對命爲提調官盡領館事書成典試雲南視  
學貴州公恂恂書生臨事善斷大定武舉吳甲父  
子橫踞一鄉徒黨徧郡縣以攻請考試至侵辱學  
官路之地大吏莫敢詰公至盡發其姦狀 奏置  
於理一郡稱快任滿還朝值畿輔飢 朝廷設粥

厥於青白口公以學士領厥事仿鄭公青州法人  
給五日糧男女異日異路升斗籌粟親爲驗發同  
官以非成例不便公引喻古義兼察近情 奏聞

上深嘉納公歿朝野悲其不盡於用今尙書  
祁公竊藻哭以文有疏奏重朝廷具長孺發粟少  
游繪圖之識箴言貽弟子有安定設教敬齋居業  
之功語蓋紀實也余聞公歸道山已掇其兩詩刊  
入集矣比公子林翼蘊之編修以公狀及詩鈔來  
屬爲採錄作傳因重編次而識其略如此

御書印心石屋詩爲陶尙書作

洞庭浮天無垠萊蕪江水趨湖滬五十三灘噴雨濤

蓄元氣鍾偉人偉人憂樂在天下幼學自許唐虞臣明光  
獻賦致上第玉堂鳴佩人中仙豸冠入陳諫議簡龍節出  
建諸侯藩東南壁擁百郡半期以隻手撐乾坤狂瀾洶洶  
奠瓠子秬蠹靡靡釐牢盆肝膽不驚謠詠涕淚痛念瘵  
瘵魂老臣焦勞日夜蹙精誠耿耿通天閣昨來述職入觀  
帝 帝曰咨汝康侯賢卿家井里定何勝公拜稽首臣  
敢言臣之先臣授經隱誅茅築室資江濱餐水滌澗至臣  
里兩岸壁立開重門潭心浪花浪古澗當流一石森嶙峋  
象形方正名曰印斗大可繫腰閒紳心清如水介如石先  
臣爲勗臣毋諉書鐙短搖江上雨蓬廬深貯山中春廿年  
作官遠里社雪泥飄瞥東西痕宰木每縈鄉國夢山桑未

報 朝廷思遠乞骸骨義未敢願省邱墓還家園公奏甫  
畢 帝曰可聖心悅懌天顏溫越日傳呼出中使捧四

大字

奎章新鸞鳳迴翔結體勢日月輝耀流精神

御藻淋漓墨痕溼鑑煙縈拂香氤 車馬弓矢未足比錫

公異數褒忠勤公拜稽首 赤墀下左右觀歎還臣鄰

主聖臣賢誇遇合古無其匹今無倫還轅南閱潯陽軍千

騎萬騎貔貅屯遂浮漢河遠湘浦秋風歸路旌旗翻三徑

松楸拜先隴百年父老傾芳尊畫錦堂開耀 宸翰士民

瞻仰閭里喧光寵豈獨在閭里流照宇內各山川孽窳摩

崖壽萬古梅溪嶽麓金焦顛我家門對資江水與公古誼

聯朱陳爲霖事業今未就出山思作還山雲祝公眉壽晉

公輔勳名奕葉圖麒麟

陳迺錫先生東祝堂詩墨蹟冊爲詰孫堯農水部題  
五嶽衡山奇五湖洞庭大湖山浩氣鍾斯乃人才會人才  
豈復顯晦爭方巾藜杖殊崢嶸丹心貫石駟海鰐赤手拔  
浪驅長鯨長鯨已馴鰐已去煙波一棹渺何處凌空無跡  
雲卷舒層霄有路鴻軒翥嗚乎先生迄今二百年高風跨  
俗留詩箋豪端倜儻具神力名孫世可宜拳拳

別楊鏡渠孝廉

渺渺大江流春風送客舟月明千里共花影一尊收漫擬  
查凌漢還期水截蚪故人今暫別鵬鶚待高秋

巴陵曉發卻寄岳星河

際曉巴邱發春帆葉葉風湖連青草澗水浸赤沙通鄉思  
經殘夢離愁觸短篷煩君語吾妹努力學癡聾

寄春藻墨溪兩弟

畏路風波險平安寄汝箋晨昏勞定省瑣屑累周旋詩禮  
傳家舊文章報國先弟兄俱努力南北望拳拳

寄星堂族弟

歲晚鄉心切停橈古鄂州與君千里別觸目百端愁水國  
嗽嗽雁天涯泛泛鷗長途漸雨雪明發一回頭

甲戌六月六日長男林翼始週三歲口占一詩

千里吾何適三齡汝始周門閭他日望骨相比此時求鍾愛  
祖庭切奢心每教修九淵知宇宙聰穎果能不



送四弟甘園應杜石樵校文之聘

風雨聯牀久關山別路賒雙輪馳古驛孤劍倚京華眠食  
常縈夢音書屢盼家那堪千里客雁影又天涯

有寄

擬向桃源叩玉關扁舟一葉引風還天邊定有重圓月海  
上甯無可到山流水游龍喧日下浮雲蒼狗幻人閒憐君  
別有心期在莫觸離愁入鬢斑

丙子人日同賀藕庚石蘭溪蔡鐵君楊石泉諸君小  
集唐竟海駢杏堂分韻得駢字

靈辰小集祝新年風暖高軒淑氣先百尺蒼松迎日靄幾  
株文杏入雲駢壁閒鶴舞神仙筆

白注壁閒鶴懸  
陶山女手書

門外駢

鳴御史鞭

自注石御史後至

踏月遙聽宮漏急春催詩思擘魚箋

賀柘農侍御家居且十年昨歲還朝補官未一載還

乞歸於其行也不能無言

桑梓欣聯棣萼輝追隨雲麓倍依依

自注巽偕弟澍與君昆仲讀書岳麓山同

登丁卯榜

十年序齒通蘭譜廿載簪豪共瑣闌子弟蒙軒頻問

字南象軒齋舍名也

姓名棗榜幸傳衣

自注弟達潛子林翼受業城南

均登乙未榜

高風古誼叨濡染每憶清言玉塵揮

蘭陔問膳幾經年

自注君督學湖北告養回籍

久脫朝衫手一編北道

風塵輸捷足南湖煙月聳吟肩昇平何事飛霜簡滄泊從

教戀雪瓊只爲蒼生望安石頓教驄馬促花驄

昨秋一葉泛蓬瀛風雪殘年到鳳城

丹陛正膺溫語眷

烏臺重領法冠清忽聞抗疏歸田切不學遺榮脫屣輕來  
太遲遲去太速冥鴻高翥暮雲平

燕山寒逼小陽春曉月蘆溝送客津車馬欵寄千里夢風  
霜珍重百年身料從漢水揚帆穩計到湘江度歲新怪底  
雙輪流水似匆匆望斷一鞭塵

張太和星煥

十二首

星煥字厚培一字掖垣善化人嘉慶庚辰進士改  
庶吉士散館授安徽繁昌縣知縣調太平縣卒於  
官有味斯軒詩草掖垣少負清譽循循然古君子  
也爲吏無赫赫聲而振災弭盜所至翕然稱治余  
爲志其墓詩初未見此集刊成其家始寄到一冊

丞爲增錄而并摘錄墓銘於左

附錄顯鶴撰太和君墓銘略今天下

州縣莫急於振荒弭盜而江北爲甚江北縣令以能著者不數人張君掖垣其一也凡爲令十二年歷二縣未遷一階而卒君歷二縣多善政二縣人皆能道無足爲君異不具述夫作令之難至今日而丞矣江北柳縣幾於無歲不災無地無警彼官振諱盜苟且干榮利以玩民瘼者無論矣一二賢者或先事引避不遑其敢於任事者又或制於上官不得行其志否則用法嚴爲下持短長以是敗者多矣其得美名大官以去者百不一二焉君始蒞紫昌今兩江總督陶公方巡撫安徽雅知君公督兩江君所治縣皆其轄地宜無不得行之志矣然竟不及遷一階以卒昔唐孫樵爲何易于傳唐書據以入循吏世謂文人之文重於史筆而余又非其人也其送能使君傳耶可感也夫君有至性事太夫人純孝自以失怙早事兩叔父如父與人言輒流涕友愛蒸篤早喪其婦以兩弟未婚不繼娶年四十三弟先後授室始置一妾其篤於內行又如此銘曰勿乎張君文而儒手抉雲漢翔天衛下祝泥濼沾衣裾皎蠶蠶哀鴻呼君不之避扶且去其害馬哺粟雜衙疆殺億乎豚魚其學經

世道古趨衆肥身瘠不自腴政成上考命俟俎有  
母篤老童孫孤我銘其宅心惻如義嚴事核詞無  
諛後當有  
考信史書

入淶口

灘聲聞十里到處石巉巉湍急頻添纜風平不挂帆村煙  
連市井人語響松杉幾日同觀海樓頭日影銜

舟過分宜次黃四倬山韻

經年湖海捲征鑣底怪星霜不冑饒三載功名虛客夢一  
船風雨又花朝春山過目隨雲去往事關心寄慨遙借問  
分宜讀書日自注分宜縣北有嚴嵩讀書處可曾窮巷樂單瓢

閒啟篷窗對酒觚黃花江岸舞春駒新題太僻如爭隘好  
句重翻似反隅千里雲山同作客五陵車馬各分途自注張

鐵庵易午亭諸友  
皆由南路入都

一舟滿載春光好握手談心且共娛

舟中次黃倬山見贈元韻

文章星彩射南弧破浪舟輕負載吾花鳥爭迎前度客關  
山須問已經途長歌斫地胡爲最信口談天或不誣宮錦  
共誇時樣好亂投機杼笑人無

雨中舟發蘭谿

澗澗溪流夾岸奔蘭谿一夜雨聲喧客行楊柳江頭水人  
閉桃花樹裏門芳草天涯春有色薄寒時候鳥無言鄉愁  
寫向同人語望入遙山贖一痕

晚泊富春次韻

霏微雲塞四邊平幾日東風又半晴山出桐廬天漸潤湖

添浙水浪猶清子城花樹船頭發亥市人煙屋角生三載  
餘杭遲客夢扁舟明發一催程

雪中偕黃倬山過訪楊春湖卽畱西湖小酌夜宿恬

園山房詩以誌別

衝寒一棹破江煙蠟屐遲來已六年自注戊辰己巳庚午  
屢擬遊西湖皆不果

千里同來尋舊約三生何處問前緣半湖春水垂楊岸一  
角殘山亂雪天多少樓臺看未得飛紅如雨促歸船

過張秋鎮

遠將山色望東平盼到張秋又一程水濶直將雲作岸雨  
多休信霽爲晴人依野岸孤鷗冷思入遙天一雁橫欲向  
鄰舟相問訊隔窗呼喚不聞聲

初見白髮有感

歷碌舟車久客身，忽驚白髮已生新。  
新春歸幾度，江南雨人老，經年塞北塵。  
面目幸猶存，故我勲名底事不如人。  
休將棒檄譏毛義，兒戲差堪慰老親。

次日又得一首

漫將蕭鬢比潘郎，四十年來尙自強。  
養性敢忘山木寇，安貧纔解菜根香。  
登瀛已愧非仙骨，說法何緣散佛場。  
疾苦宰官身，活現瘡夷同我望平康。

十月念四日偕五弟橘西彭十五鷺西蔡三肇亭張大琴亭古大誦清羅十一翰卿登綠蘿庵

僻處山城日易過，登高四望意如何。  
經霜木落遠空淨，隔



岸橫煙秋水多佳士幾班齊玉筍

自注是日送新諸生入學

文壇一律

重金科會看仙侶登瀛去莫忘山中舊綠蘿

北望江雲面面開呼朋趺坐且銜盃交情冷似寒鴉集春  
氣先隨旅雁來妙墨共尋名士跡好花欲問故鄉梅歸途  
折得櫻欄葉日把塵氛埽幾回

郭進士如翰

七首

如翰字南屏湘潭人鄂縣令汪燦子道光壬午進  
士負才不永年所存詩饒有風趣樂府尤多古意

讀史

出當立民功處當寡吾過苟且圖富貴何如老窮餓薦賢  
受上賞竊位乃賈禍碌碌白面郎毋久中書坐

讀戰國策

平原與信陵兩君皆好士富貴不驕人門庭乃如市吾獨  
愛侯生抱關隱於仕君侯爲執轡行人側目視倉卒出奇  
計一戰雪秦恥可知風塵中大有奇男子果能國士待士  
爲知已死

南山竹

南山竹北山枳枳不如竹竹耳如矢狂風壓竹竹凌霄五  
斗安能折君腰羲皇以後書不讀柴桑以外安托足先生  
之心淡如菊先生之節勁如竹

跨禿驢

跨禿驢何處去停鞭且向西湖住湖水怒作鼓聲響將軍

莫存殺賊想賊縱殺盡功不賞君不見金牌召回岳少保  
汗血功名三字了何如老跨禿驢好

月夜懷友

澹月透簾櫳清輝處處同故人隔煙水與我各西東  
花事破秋寂愁圍借酒攻何當坐良夜談笑小樓中

江潭

潭水清如此誰爲潭畔吟離騷文字祖香草美人情魚腹  
怨千古蛾眉妒一生輸他老漁父時有棹歌聲

雨湖

天與詩人境春風湖上亭盈盈一水濶無數柳條青古寺  
落清磬遠山闕畫屏坐看明月夜瑤瑟鼓湘靈

沈澗齋舊集卷第一百三十九終